

御纂七經書

第十一冊

欽定書經傳說彙纂卷第四

夏書

集傳夏禹有天下之號也。書凡四篇。禹貢作於虞時。

孔氏穎達曰。治水是堯末時事。而繫之夏書者。禹之王。以是功也。

集說

孔氏穎達曰。此篇必在虞書之內。蓋夏史抽入夏書。或仲尼始退其第。○金氏履祥曰。禹貢敘水土。在唐虞之際。禹謨序功謨。在有虞之時。舊皆名著三聖相傳之道。冠禹貢於夏書。以明大禹有天下之本也。

禹貢上

集傳 上之所取謂之賦。下之所供謂之貢。是篇有

貢有賦。而獨以貢名篇者。孟子曰。夏后氏五十而

貢。貢者較數歲之中以爲常。則貢又夏后氏田賦

之總名。

孔氏安國曰。禹制九州貢法。

今文古文皆有。

集說

孔氏穎達曰。九州之土。物產各異。任其土地所有。以定貢賦之差。亦因其肥瘠多少不同。

制爲差品。治田出穀。經定其差等。謂之厥賦。以其所出之穀。市其土地所生異物。獻謂之厥貢。雖以所賦之物爲貢用。賦物不盡有也。亦有全不用賦物。直隨地所有。採取以爲貢者。此之所貢。卽與周禮大宰九貢不殊。但周禮分之爲九耳。○林氏之奇曰。別而言之。雖有貢有賦。有上下之差。合而言

之。則貢者乃賦稅之總稱。田賦包篚皆在其中。此貢之一字與商之助周之徹皆是其一代之制。取民之總名也。○朱子曰。禹自言予決九川距四海。濬畎澮距川。一篇禹貢不過此數語。

禹敷土隨山刊木奠高山大川

大學堂官書

集傳

敷分也。分別土地以爲九州也。奠定也。定高山大

川以別州境也。若兗之濟河。青之海岱。揚之淮海。雍之

黑水。西河。荆之荆衡。徐之海岱。淮。豫之荆河。梁之華陽

黑水。是也。方洪水橫流。不辨區域。禹分九州之地。隨山

之勢。相其便宜。斬木通道以治之。

蘇氏軾曰。山行多迷。刊木以表之。且以通

道史記云行山表木。○呂氏祖謙曰隨山有兩意。一謂隨山開道以觀水勢。一謂隨山之脈絡相視其水勢。濬其川。又定其山之高者。與其川之大者。以爲之紀綱。葉氏夢得曰治水者惟形勢之順。形勢以山川爲主。山川以高且大者爲主。高山大川各定其所而名正。則其餘可以類求。此三者禹治水之要。故作書者首述之。○曾氏曰禹

別九州。非用其私智。天文地理區域各定。故星土之法。

則有九野。而在地者。必有高山大川爲之限隔。風氣爲

之不通。民生其間亦各異俗。

禮記王制曰廣谷大川異制。民生其間者異俗。故

禹因高山大川之所限者。別爲九州。又定其山之高峻。

水之深大者。爲其州之鎮。秩其祭。而使其國主之也。

集說

杜氏佑曰。九州本制。起於顓頊。辨其疆界。始於禹。貢。○黃氏度曰。高山。山之會也。崗麓分行。谿壑隨大小行其中。衆水輳合於大川。大川所以紀理衆小水也。九州皆有高山大川。不獨五岳四瀆。所謂刊旅滌源者也。○鄭氏樵曰。州縣之設。有時而更。山川之形。千古不易。所以禹貢分州。必以山川定疆界。使兗州可移。而濟河之兗州不能移。梁州可遷。而華陽黑水之梁州不能遷。故禹貢爲萬世不易之書。○呂氏祖謙曰。史官作禹貢。首言禹敷土。見禹之胸中。先有一定之規模。分布九州之土。某土如此。某土如彼。然後用工。所以有成。奠高山大川者。先定高山之標準。次辨其大川之所歸。○羅氏莘曰。廣谷大川。風俗之所以分。故推其高大者先正之。然後九州可別。如大山定。而山之西爲兗。大河定。而河之南爲豫。此分畫之要也。

冀州

集傳

冀州帝都之地。

左傳疏曰堯治平陽舜治蒲坂禹治安邑三都相去各二百餘里俱

在冀

三面距河。兗河之西。雍河之東。豫河之北。

孔氏穎達曰兗

州云濟河自東河以東也。豫州云荆河自南河以南也。

雍州云西河自西河以西也。明東河之西。西河之東南。

河之北是冀

州之境也。周禮職方河內曰冀州是也。

爾雅曰兩河閒曰冀州。

史記正義曰古帝王之都多在河東河西故呼河北為

河內河南為河外。又云河從龍門南至華陰東至衛州

東北入海曲繞

冀州故言河內。

八州皆言疆界而冀不言者以餘州所

至可見。晁氏曰亦所以尊京師示王者無外之意。

地理今釋

冀州。今山西之太原。平陽。汾州。潞安。大同。五府。澤。遼。沁。三州。直隸之順天。永平。保定。廣平。順德。宣化。六府。及直定。河間。二府。西北境。大名府。濬縣。西境。盛京之錦州。府。河南之懷慶。衛輝。彰德。三府。其北直抵塞外陰山下。西起東受降城。今蒙古名薩爾几村之北。東訖于大遼水也。

集說

曾氏旼曰。九州其來久矣。洪水堙沒。禹治水。復分。別之。舜卽位。分爲十二州。分冀東爲并。東北爲幽。分青之東北爲營。至商又但言九圍。九有。爾雅九州有幽。營而無青梁。其商制歟。周禮職方氏有幽并而無徐梁。營則周制也。○朱子曰。平陽晉州蒲坂。太行山之盡頭。其地磽瘠。人民朴陋儉嗇。惟堯舜能都之。○成氏申之曰。河自積石東北流入中國。則折而南流。雍州在其西。故曰西河。至華陰折而東流。豫州在其南。故曰南河。至大伾又折而西北流。兗州在其東。故曰東河。冀地最廣。兗最狹。冀今河東河北皆在焉。居天下四分之一。舜

分爲幽并幽州燕薊幽涿朔莫等州是其域也并州太原澤潞晉代汾絳等州是其域也○焦氏竑曰冀在唐虞水患特甚在今日河流徐邳而九河故地乃爲漳衛入海之道則冀之東北無復河水之繞而所謂三面濱河者蓋舊迹也○茅氏瑞徵曰王氏曰九州之序禹貢始於冀次於兗而終於雍職方氏則始於揚次於荆而終於并者蓋禹貢言治水之序也職方言遠近之序也治水則自帝都始然後順水性所便自下而上故由兗至雍也以遠近言則周之化自北而南爲遠揚在東南荆在正南并在正北先遠而後近也

既載壺口



經始治之謂之載壺口山名漢地志在河東郡北

屈縣東南

應氏劭曰已有南屈故稱北屈

今隰州吉鄉縣也

皇輿表吉鄉縣今言

州屬平陽府地理今釋壺口。今山西平陽府吉州西南七十里。有壺口山。黃河之水注其中。如壺然。○今

案既載云者。冀州帝都之地。禹受命治水所始。在所當

先。經始壺口等處。以殺河勢。

焦氏竑曰。河自塞外入中國。壺口當南出之孔道。故

名河

故曰既載。

朱子曰。既者。已事之詞。載者。始有事也。

然禹治水施功之

序。則皆自下流始。故次兗。次青。次徐。次揚。次荆。次豫。次

梁。次雍。兗最下。故所先。雍最高。故獨後。禹言予決九川。

距四海。濬畎澮。距川。卽其用工之本末。先決九川之水。

以距海。則水之大者有所歸。又濬畎澮。以距川。則水之

小者有所泄。皆自下流以疏殺其勢。讀禹貢之書。求禹功之序。當於此詳之。

集說

孔氏穎達曰。九州之次。以治爲先後。水性下流。當從下而泄。故治水皆從下爲始。自兗已下。皆準地之形勢。從下向高。從東向西。青徐揚三州。並爲東偏。雍州高於豫。豫高於青徐。雍豫之水。從青徐而入海也。梁高於荆。荆高於揚。梁荆之水。從揚而入海也。兗在冀東南。冀兗二州之水。各自東北入海也。冀州之水。不經兗州。以冀是帝都。河爲大患。故先從冀起。而次治兗。若使冀州之水。東入兗州。水無去處。治之無益。雖是帝都。不得先也。

治梁及岐。



梁岐皆冀州山。梁山。呂梁山也。在今石州離石縣。

東北

皇輿表。離石縣。今永寧州屬汾州府。

爾雅云。梁山晉望。卽冀州呂梁

也。呂不韋曰。龍門未闢。呂梁未鑿。河出孟門之上。又春

秋梁山崩。左氏穀梁皆以爲晉山。則亦指呂梁矣。酈道

元謂呂梁之石崇竦。河流激盪。震動天地。此禹旣事壺

口。乃卽治梁也。岐山。在今汾州介休縣。狐岐之山。勝水

所出。東北流注于汾。酈道元云。後魏於胡岐置六壁。防

離石諸胡。因爲大鎮。今六壁城在勝水之側。實古河逕

之險阨。二山河水所經治之。所以開河道也。先儒以爲

雍州梁岐者。非是。

地理今釋案孔傳梁岐在雍州今陝

山。鳳翔府岐山縣東北四十里之岐山也。岐山一名天

柱山。山南爲周原。詩所謂周原膺膺也。

蔡傳疑雍州之

山。不當載于冀州。指今山西汾州府永寧州東北之呂

梁山。一名骨脊山者。爲梁山。汾州府孝義縣西之狐岐

山。一名薛頡山者。爲岐山。然二山去河甚遠。不得謂河

水所經。曾文公云。壺口梁岐一役也。其施功皆同時。不可

分言于二州。故并言于

冀。得此可釋蔡氏之疑。

集說

朱子曰。他所舉山川。皆先地後績者。觀成功而言

也。壺口梁岐及太原。皆先績後地者。本用功之始

而言也。豈治之有難易歟。○論形勢。先識大綱。如水。則

中國莫大于河。南方莫大于江。涇渭則入河者也。先定

大者則小者便易攷。

既修太原至于岳陽。

集傳

修。因鯀之功而修之也。

曾氏旻曰。記云。禹能修鯀之功。

廣平曰原。

今河東路太原府也。

孔氏穎達曰。太原原之大者。地理今釋案孔傳高平曰太原。今以為

郡名。正義曰。即晉陽縣也。唐之晉陽縣。今山西太原縣是。東北去太原府治四十里。蔡傳以為今河東路太原府者。亦統同言之也。岳。太岳也。周職方冀州。其山鎮曰霍山。地志

謂霍太山。即太岳。在河東郡彘縣東。今晉州。霍邑也。

孔氏

安國曰。太岳在太原西南。○皇輿表。晉州。今平陽府。霍邑。今霍州。屬平陽府。地理今釋。岳陽。太岳。一名霍太山。

今爲中鎮。在山西平陽府霍州東三十里。山周二百餘里。南接岳陽。趙城二縣。北接靈石縣。東接沁源縣界。

山南曰陽。卽今岳陽縣地也。

皇輿表。今屬平陽府。

堯之所都。

徐氏堅曰。

帝堯爲唐侯所都。

揚子雲冀州箴曰。岳陽是都。是也。蓋汾水出

於太原。經於太岳。東入于河。此則導汾水也。

茅氏瑞徵曰。河入海。

汾入河。二水原相屬。禹自壺

口至太岳。治河卽以治汾。

集說

陳氏櫟曰。惟冀州有修治之辭。餘州皆無之。非餘

州皆無事也。以冀例之。見餘州之役。自禹創始者。

皆曰治。修。修。修之功者。皆曰修。蒙冀文也。○夏氏允彝曰。

縣隄在今開州。博州亦有縣隄。又名禹隄。衛州亦有禹

隄。通名金隄。一名千里隄。今案汾水。自管涔而下。西瀕

省城。不數百武。地卑濕。又河土疏。且沙淖。故善徙。說者

謂河出山陬中。勢得逞。故易徙。全賴石堤堅固。非得已也。○茅氏瑞徵曰。岳陽向為堯都。鯀極意崇防。頗有遺蹟可因。而壺口梁岐。則禹創為疏鑿耳。總之治冀州水。以河為主。先疏下流。以殺河勢。便得大頭腦。河流既定。太原一帶。只修鯀舊績。自可奏功。此神禹化工手段也。并鯀蹟不朽矣。凡既字。皆據成功言。工力創造曰治。沿緒曰修。道里附近曰及。總括曰至。皆書法也。

覃懷底績至于衡漳



覃懷地名。地志。河內郡有懷縣。今懷州也。

地理今釋覃懷

今河南懷慶府地。通典云。懷州禹貢覃懷之地是也。

曾氏曰。覃懷平地也。當在孟

津之東。大行之西。涑水出乎其西。淇水出乎其東。方洪

水懷山襄陵之時。而平地致功爲難。故曰底績。衡漳水

名。衡古橫字。地志。漳水二。一出上黨沾縣大黽谷。今平

定軍樂平縣

皇輿表。今平定州。樂平縣屬太原府。

少山也。名爲清漳。一出

上黨長子縣鹿谷山。今潞州長子縣

皇輿表。今長子縣。屬潞安府。

發

鳩山也。名爲濁漳。酈道元謂之衡水。又謂之橫水。東至

鄴。合清漳。東北至阜城。入北河。鄴。今潞州涉縣也。

皇輿表。涉

縣。今屬彰德府。

阜城。今定遠軍東光縣也。

皇輿表。東光縣。今阜城縣。屬河間府。地理

今釋。衡漳。清漳水。出今山西太原府樂平縣西南三十里。沾嶺水。經注所謂少山大黽谷也。東南流至河南彰